

Aruba Bank ta anuncia plan di restauracion p'e edificio historico den Caya Grandi

ARUBA Bank, den su deseo pa preserva nos patrimonio cultural y revitalisa Oranjestad, a traha man den man cu Land Aruba, SMFA, Nationaal Restauratiefonds for di 2018 pa desaroya plannan p'e restauracion di e edificio historico situa den Caya G.F. (Betico) Croes 39-41.

E anuncio a ser haci durante un evento special den presencia di Minister di Economia, Comunicacion y Desaroyo Sostenibel, Geoffrey Wever, representantenan di Monumentenfonds Aruba (SMFA), Restauratiefonds, prensa y demas invitadonan presente.

Directora Ejecutivo Marleen van der Borgt a expresa orguyo encunto e proyecto, declarando: *"Aruba Bank ta compromete cu e preservacion di nos herencia cultural y cu e contribucion n'e revitalisacion di Oranjestad. Como parti di nos celebracion di 100 aña di existencia na 2025, nos ta honra di por sostene e restauracion di e edificio historico aki den colaboracion cu SMFA"*.

Sra. Edseline Leer, Head of Retail tambe tawata presente pa haci entrega oficial di e edificio na Monumentenfonds.

Nos ta informa cu Aruba Bank lo sigui mantene su presencia den Caya Grandi. Den nos edificio nobo ariba e plenchi lo tin un filial nobo di Self Service, na man drechi di e filial existente, cu ta un paso importante pa sigui yuda y atende nos cliente n'e miho manera posibel.

E proyecto aki ta sirbi como un simbolo di colaboracion y innovacion, habriendo caminda pa un futuro mas briyante pa Oranjestad y Aruba den su totalidad.

Aruba Bank ta expresa su gratitud na tur persona involucra den e iniciativa significativo aki y ta spera cu entusiasmo pa mira su impacto.



Hospice Atardi

*Nos t'ey pa bo
cu amor y respet*

Hospice Atardi ta un cas 'casi manera nos mes cas'. Nos ta duna sosten na personanan den fase final di nan bida y na nan famia. Nos ta ofrece cuido paliativo den un ambiente di hogar, nos ta tene cuenta mas tanto posibel cu bolor y necesidad di nos huesped. Nos ta haci esaki cu un team cu ta consisti di boluntario, di enfermero, dokter di cas, e koki y un ayudo den limpieza.



Nos ta busca un koki

2 ora pa dia

4 dia pa siman



Descripcion

Prepara cuminda pa nos huespednan.
Ora caba di cushina, bo ta laga e cushina limpi.
Bo ta organisa e frishider y e freezer.
Bo ta responsabel pa mantene suficiente comestibel den stock.

Perfil

Bo tin experiencia den cushina y bo tin e Carchi Berde (of nos lo pidi un pa bo).
Bo por traha den un team, bo por comunica na un manera abierto, y bo ta hospitalario.
Bo por organisa e trabao independiente teniendo na cuenta reglanan di higiena cu ta aplicabel den hospice.
Bo por trata personanan den e ultimo fase di nan bida cu cariño y comprension.

Nos ta ofrece

Un team caloroso cu ambiente abierto.
Un trabao cu e posibilidad pa traha independiente como tambe ta parti di un team.
Un salario conforme e oranan cu bo ta traha.

Bo ta interesa?

Si bo ta interesa den e funcion aki manda bo carta di solicitud y bo CV pa directiva di Fundashon Hospice Atardi.
Bo por haci esaki den bo idioma di preferencia na emailadres: info@hospiceatardi.com prome cu 13 di December 2024, mencionando 'solicitud koki'.

Pa mas informacion por yama: 5643561